姜佐景按:治病当先解其表,后攻其里,此常法也,前固言之稔矣。余依临床所得,常有表解之后,其里自通,初不须假药力之助者。缘先表束之时,病者元气只顾应付表证,不暇及里,及表解之后,则元气自能反旌对里。夫元气进退往返,谁能目之者,然而事实如此,勿可诬也。故余逢表束里张之证,若便闭未越三日者,恒置通里于不问,非不问也,将待其自得耳。

若本汤之合解表通里药为一方者,又是一法。然其间解表者 占七分,通里者占三分,不无宾主之分。以其已用里药,故通里为 宾,以其未用表药,故解表为主。双管齐下,病去而元气乃无忧。

33. 风疹

王小

发热有涕,发风疹,此为风邪,当疏泄太阳。

荆防风各二钱

牛蒡子三钱

炙僵蚕三钱

苦桔梗一钱

苏叶二钱

薄荷一钱

浮萍三钱

西湖柳二钱

蝉衣一钱

王慎轩记:此曾复诊三次,唯用原方稍与加减,近已勿药矣。

34. 猩红热

前年三月间,朱锡基家一女婢病发热,请诊治。予轻剂透发,次日热更甚,未见疹点。续与透发,三日病加剧,群指谓猩红热,当急送传染病医院受治。锡基之房东尤恐惧,怂恿最力。锡基不能决,请予毅然用方,予允之。细察病者痧已发而不畅,咽喉肿痛,有白腐意,喘声大作,呼吸困难不堪,咯痰不出,身热胸闷,目不能张视,烦躁不得眠,此实烂喉痧之危候,当与:

麻黄钱半

牛石膏五钱

杏仁四钱

生甘草一钱

略加芦根竹茹蝉衣蚤休等透发清热化痰之品。服后,即得安睡,痧齐发而明,喉痛渐除。续调理,三日痊愈。事后婢女叩谢曰,

14

